

Ferklaafeest

Kornelia en Romke steane by it hek fan skoalle.
 Se helje Tomke op.
 Dy komt nei bûten mei in grutte kaart.
 'Der komt in feest!' ropt Tomke bliid.
 Kornelia en Romke besjogge de kaart.
 'Wat leuk!' seit Kornelia.
 'Ik lês: Noch twa nachtsjes sliepe.
 En jimme meie ferklaaid nei it feest.'
 'Ja!' ropt Tomke, 'ik wol clown wurde!'
 As se thûskomme, siket Tomke yn de ferklaaierskoer.
 Dêr sit in leuk clownspakje yn.
 Tomke lûkt it oan en set in petsje op.
 As er himsels yn de spegel sjocht, ropt er bliid:
 'Moai hè, Romke!'
 Mar Romke seit neat, hy krûpt yn syn koer.
 'Wat is deroan Romke?' freget Tomke.
 'Do hast ferklaakersklean en ik net', gûlt Romke.
 Tomke skrikt derfan.
 'Dat is net leuk foar dy', seit er sneu.
 'Romke, kom ris by my', ropt Kornelia.
 Se aait him oer syn kopke en seit:
 'Sil ik in moaie clownsstrik foar dy meitsje?'
 'Ja!' ropt Romke, en hy laket al wer.
 Kornelia siket in fleurich sjaaltsje op.
 Se slacht it om Romke syn nekke
 en makket der in grutte strik yn.
 'Heu, heu, heu!' ropt Romke.
 'No bin ik ek in clown!'

'Ja!' ropt Tomke, 'kom, dan meitsje wy grapkes!'
 Clown Tomke docht hiele grutte stappen.
 En clown Romke makket gekke spongen.
 Ynienen, boem!
 Beide clowntsjes lizze op 'e grûn,
 sa stil as mûzen.
 'O, help!' ropt Kornelia, se skrikt har in huodsje.
 Se draaft nei de earme clowntsjes ta.
 Mar dy springe samar oerein.
 'Grapke!!!'
 De clowntsjes binne slop fan laitsjen.
 Dan moat Kornelia ek laitsje.
 'Wat ha jim my te fiter!
 As jim goed oefenje,
 dan lykje jim oer twa nachtsjes krekt échte clowns.'

